

1975

KUALA LUMPUR, 4 APRIL (BERNAMA) -- PEPERIKSAAN DARJAH ENAM AKAN DIHAPUSKAN SEPENUHNYA DI SABAH DALAM TAHUN 1978, MENTERI PELAJARAN DR. MAHATHIR MOHAMED MEMBERITAHU DEWAN RAKYAT HARI INI.

DALAM JAWAPAN BERTULISNYA KEPADA ENCIK STEPHEN ROBERT EVANS (BN-KENINGAU) BELIAU BERKATA KERAJAAN SABAH DAN KERAJAAN PERSEKUTUAN BERHASRAT UNTUK MENGHAPUSKAN PEPERIKSAAN TERSEBUT DENGAN SEBERAPA SEGERA SUPAYA SEMUA MURID DAPAT MEMPEROLEHI SEMBILAN TAHUN PELAJARAN ASAS.

WALAU BAGAIMANAPUN, KATANYA, MEMANDANGKAN KEKURANGAN TEMPAT DI SEKOLAH MENENGAH DAN JUGA GURU-GURU TERLATIH DI SABAH PENGHAPUSAN TERSEBUT TERPAKSA DIJALANKAN SECARA BERANSUR-ANSUR SEJAK TAHUN 1972.

MENJAWAB ENCIK THOMAS SALANG SIDEN (SNAP-JULAU) DR. MAHATHIR BERKATA SEMUA MURID DI SEMENANJUNG DIBERI KEMUDAHAN UNTUK MENDAPATKAN PELAJARAN ASAS SELAMA SEMBILAN TAHUN.

DR. MAHATHIR BERKATA DENGAN PENGHAPUSAN PEPERIKSAAN DARJAH ENAM DI SARAWAK PADA TAHUN SUDAH MEMBERI KEMUDAHAN UNTUK MURID-MURID DI NEGERI ITU MENDAPAT PELAJARAN ASAS SEMBILAN TAHUN SEPERTI DI SEMENANJUNG.

MENJAWAB SATU SOALAN DARI DR. CHEN MAN HIN (DAP-SEREMBAN) DR. MAHATHIR BERKATA KEMENTERIANNYA SEDANG MENGAMBIL LANGKAH UNTUK MENENTUKAN PEMBOCORAN KERTAS PEPERIKSAAN TIDAK BERULANG.

LANGKAH-LANGKAH TERSEBUT TERMASUKLAH MELIPUTI ASPEK KESELAMATAN TIAP-TIAP PENGELOLAAN DAN PENTADBIRAN PEPERIKSAAN. -- BERNAMA
1900/ZCM